

## 283.

*Beschwerdeschrift der theologischen Fakultät an Herzog Georg über die Ertheilung der Collegiaturen an Studenten, über die Eintheilung nach Nationen, Wohnung juristischer Dozenten im Fürstencollegium und Vertheilung der Collegiaturen.* [Zwischen 1510 und 1537.]

*Hdschr.:* Concept Hauptstaatsarchiv Dresden, Universität, Raths und andere Händel 1367—1537 loc. 10532 5 fol. 241—49.

*Ann.:* Der in der Schrift erwähnte Dr. Heinr. Schrader aus Braunschweig starb im Jahre 1510.

Durchlauchtiger, hochgeborner furst, gnediger herr. Nachdem wir e. f. g. uf undergebene artickel, so e. f. g. zu erhebung, nutze und gedeyes gemeyner dieser loblichen universitet aus furstlicher tugent und hoem vorstentnus bedacht, manchvaldig 10 beradtschlagt unnd beyn unsern eides pflichten, so wir bemelter universitet vorwant, unnsere wolmeynung und beduncken durch die herren der universitet samptlich darzu vorsamlet beschlossen e. f. g. habenn demuttiglich im besten zu bedencken unndergeben. Ist derwegen nachmals an e. f. g. unnsere underthenig bitten, e. f. g. wolden dennselbigen unnsern betracht e. f. g. zu ehrenn und gemeyner universitet im besten bescheen 15 gnediglich zu herzzen nehmen und e. f. g. sich so villeicht andere von wegenn eynes nutzes e. f. g. anderst unnderrichten wurden, nicht lassen bewegenn, des vorhoffens, so denihenen artickeln stathaftig nachgegangen wurde, solde zu eren e. f. g. bemelte universitet merglich steigenn unnd inn gedeye zunehmenn.

Sintdemmal e. f. g. unnder andern artickeln villeichte aus unstadlichem angeben 20 und bericht itzlicher, so hirinne unnsers bedunckens eignenn nutz mehr dan den gemeynen unnd wolstant der universitet betracht, vorordent, das hinfur sechs ader auch vier collegiaturen im furstencollegio in eyne facultet alleyne den herrn iuristen soldenn vorlihen werden unnd inn gebrech der doctorn, demihenen die inn derselben facultet studiren, unangesehenn ab sie magistri arcium werenn ader nicht. 25

Ist g. h. unnsers bedunckens nicht billich dieihennenn so noch studiren zu sallariaten zu welenn und die keyne insignia hetten die vorsolt zu werden, ader seuhn unnd capita der universitet neben andern doctoribus unnd magistris sallariatis zu sein. Was hieraus schimpf gemeyner universitet, widderspenigkeit, zwitracht unnd gezcencke erwachsen wurde, gebenn wir e. f. g. zu bedenckenn. So die doctores unnd magistri die 30 ire gradus mit langweriger muhe und studio, schwerer kost unnd zerunge in der universitet erlanngt, solten hindann gesetzt unnd dieihenen die keyne insignia hetten inen in solden der universitet vorgezcogen werden und neben andern sallariaten uber sie zu gebieten und zu vororden habenn.

Es wurden hirdurch den doctoribus und magistris ire hoffnunge gantzlich ent- 35 zogen und also ursach gegeben sich arbeit, muhe unnd vleisses zu lesen und resumirn allenthalbenn zu eussern, so sie seggen das dieihenen die nicht insignirt weren, solten inen in vorsorgung vorgehn unnd vorgezcogen werden. Musten sich derhalben von hinnen begeben und ist moglich das sich alßdan die allergeschicksten in ander umbligende